

ISSN 2249-510X

A Peer Reviewed and Refereed Journal of

Kashmiri Literature and Language

Department of Kashmiri

University of Kashmir

## دھونہ۔۔۔۔ اکھ تعارف

مجموع رشید

تلخیص:

از بڑوٹھ تقریباً ارداہ وری لچھوئے دھونہ کہ حوالہ ل ل دید ہنز شاعری متعلق اکھ مختصر انگریزی مضمون بیہ کس اختتامس پٹھ مے یہ توقع ظاہر کریو ز بروٹھہ گن کرن زانن واکو تہ ماہر اتھ سلسلس منر تفصیلی بحث یس سانبن ذہن امہ پتھ کاکو شعری جمالیات کہ مخصوص تصور ستر گاکشراو۔ مگر میون توقع رو دتو قہس تاہے محدود تہ کانہ سنسکرت زانن واکو کاکشرنقادن دیت نہ اتھ گن توجہ۔ میانی ووستا محترم پروفیسر گلشن مجیدن کو رحالے منعقد کرنہ آمتس سیمینارس منر امہ کتھ ہند ذکر تہ مے میج ازیک مضمون لکھنہ خاطر تحریک۔ مے چھ بیہ کتھ ہند از تہ احساس تہ مذکور انگریزی مضمون لکھنہ وز تہ اوسم زمے چھنہ سنسکرت زبانی ستر کائہہ واقفیت تہ یہ پرگی تہ اڈلچر ہیکہ میانہ بیہ لیکھک نقص تہ بٹھ۔

کلیدی الفاظ: اختتامس، تفصیلی جائزس، شعری جمالیاتس، منعقد، اڈلچر

یہ کتھ چھ ساری زانٹھ زسنسکرت شعری جمالیاتکو پن تہ چھ گوڈنکھ پھر بھرت منی سندنائیہ شاستر منز ووتھان۔ تکر سندن کلیم بخشگ بنیادی مرکز یو دوے رس چھ تہ کرتھ تہ چھ تکر سندن اظہارس منز یہ کتھ ٹاکار ز زبان تہ امیک مخصوص ورتاوتہ چھ ڈرامہس منز رس ووتلاونس منز معاونت کران۔ بھرت منین چھ تھ کتھ پٹھ شدتہ سان زوردیتمت ز رس چھ فن پارک ساروے کھوتہ افضل ترین جو نیمہ ورآے فن پارس کاٹھہ معنی مطلب ہیکہ نہ آستھ۔ ڈرامہکہ فنکو ترکیبی جز مرتب کرنہ وز دیت تکر تھ کتھ پٹھ تہ زور ز شاعری منز تہ چھ رس سبٹھاہ اہم تہ یہ گزھ ڈراماؤچھن والین اندر رس ہک جذبہ ووتلاوتھ ہیکنز۔ تہ تھ چھ تھ کتھ واش کڈن ضروری ز پتھ کالہ اوس سانس ملکس منز ڈراما (Drsyakavya) ادبک اکھ الگ تہ منفرد باگ یس خالص شاعری نشہ بالکل بیون تہ بدون اوس۔ مطلب غرض یہ ز شعری جمالیات اوس اکھ شعبہ تہ تمثیلی فن (Dramaturgy) اوس بیاکھ باب۔

شعریاتکو ساری تبصرہ کار تہ ماہر چھ تھ کتھ پٹھ متفق ز بھرت منی سندنائیہ شاستر چھ بہر حال تہ مؤلہ کز ڈرامائی فنیہ محیط تہ سہ چھ شاعری ہنز باؤ ز ہندی حوالہ خاموش۔ تاہم چھ یہ کتھ ٹاکار ز امر سندن اتھ اہم بخشس منز چھ ہتہ بیٹہ ڈرامائی شاعری گن معنہ خیز اشارہ موجودیم شاعری متعلق تکر سندن مبہم تصورس ہنادر شاوان چھ۔ پینٹن چھ نیمہ کتھ ہند خیال تھاؤن لازمی ز رتھ شاعری متعلق تکر سندن خیالاتن ہندس پوت منظرس منز چھ ڈراماؤچھن والین ہنز دلچسپیہ تہ ڈراما ہس منز تھندس انہماکس بنیادی اہمیت۔ نفیس انفس لفظن ہند ورتاوتہ چھ معنہ کس ابلاغس رقص ستر میل کرتھ جذبہ کین موڈن (Moods) تہ ڈرامچن وحدتن ووتلاوان۔

بہر حال کتھ اوس چلان رس چھ تہ بیٹہ کرواؤر گن توجہ۔ سوال چھ یاد سپدان ز بھرت کتھ چھ

”رس ونان تہ یہ کتھ پٹھکی چھ ووتلان۔“ Vibhava-nubhava-vyabhicari-samyogad

“رس چھ امہ حسابہ وری وادن ہند سفر طے کرتھ اکھ تہہ درتہہ تصور تھ نقاد تہ rasa-nispatih-Natyasastra

شعری جمالیات کو ماہر مختلف زاویوں کی وچھان چھ۔ یہ کتھ تہ چھے اہم زبھرتن کر گوڈ نکہ پھر شاعری ہند  
 سنج کتھ تہ صوت و معنی کس ماہر منظر سگن کو زون واضح اشار۔ پز رچھ یہ ز آخر کار سپد دھونہ کہ  
 نظریہ ستر رس، ہکو جمالیاتی اصول واضح بیم فن کار سر گرمیہ ہندس کلہم دایرس تربیت تہ تہذیب کران چھ  
 تہ یس شاعری ہندس سبلایم پز رس اُنہ چھ ہادان۔

دھونہ کس نظر بیہس چھ ہندوستانی شعر یاتس منز اکہ سنگ میلچ اہمیت تکیا ز دھونہن دیٹ  
 گوڈ نکہ پھر شاعری منز گون، انکارن، لفظ ورتاوس تہ شعری صداقتہ (Poetic Truth) بجایہ شعر  
 کس دا خلی دنیہس گن توجہ بیتھ منز علامتی ورتاواہمیتک حامل چھ۔ دھونہ کہ بارسس ینہ بز وٹھ اسی  
 ساری بڈ ماہر بین منز بھاما، داندن، وامنا، یو دبھتہ تہ رو درتاہیمہ کتھ ہندک قابل ز انکار تہ گونہ چھ  
 شاعری منز ساروے کھوتہ زیاد اہم مگر آند ورتن دیٹ دھونہ لوک لکھتھ اکھ نو تصور تیکر شعر کہ پراو  
 بجایہ شعر س منز موجود جمالیاتی اشاریہ (Aesthetic Suggestiveness) ڈ راہمیت۔ یو دوے علامتہ  
 متعلق آند ورتن ہندک اسلاف ا کس حدس تام واقف اسی تاہم تڑا آند ورتن نے دھونہ لوکس منز امچ  
 بنیاد۔ یہ کتھ تہ چھے اہم ز آند ورتن چھ گوڈ نیک سنسکرت ماہر تیکر علامتک تصور تموا لزامونشہ چھ کو ریم  
 اتھ خلاف دھونہ مخالف نقاد وٹھری متر اسی۔

دھونچ اہمیت چھے ہیمہ کتھ ستر واضح تہ خود آند ورتن چھ امیک اعتراف کران ز یہ نظریہ کو تکر  
 زبانی ہند سائنس منز سفونہ کس بنیادس پٹھ وضع ا۔ اہنو گپتن لیو کھ دھونہ لوکس پٹھ اکھ مفصل تہ جامع  
 تبصر یس لوچن ناو پرن والین ویو دچھ تہ تکر تہ کر مذکور کتھ پز نہ پاٹھک وضاحت۔ بیتھ چھ بیتھ کتھ  
 گن اشار کرن ضروری ز مشہور زمانہ سنسکرت نویس بھرتری ہری چھ اظہارس منز دون پاسن ہنز موجودگی  
 تسلیم کران ونان ز اکھ گو وسہ ہیمیک بوزن ولس کہ (Auditory organ) ستر ادراک سپدان  
 چھ تہ دویم گے سو آواز یوسہ بوزن ولس معنیس تام و اتناوان چھے ۲۔ یوسہ آواز انسان سمعی نظامہ ڈسر

بوزان چھ تھہ چھ زبانی ہندس سائیسس منز دھونہ ونہہ آمت تہ یوسہ آواز مؤلہ معنیس تام  
واتنا وان چھ تھہ چھ سفوٹہ تہ ونہہ آمت او کنز چھ دھونہ مذکور سائیسس مطابق ابدی سفوٹک اظہار تہ  
سے یوت بیکہ تصورس پر ن و ا لس تام واتنا و تھ ۳۔

دھونہ چھ بنیادی طور شاعری ہند فنہ کہ حوالہ اکھ خود کفیل تقیدی تصور۔ پنہ شہرہ آفاق کتابہ  
دھونہ لوکس منز چھ آند وردن تھہ کتھ پٹھ پھری پھری زور دیتمت ز دھونہ چھ اکھ آفاقی، علامتی،  
و تشاؤر تہ تخلیقی قوت تہ صلأ حیت یوسہ شاعری ہند زو زبہ چھ۔ سہ چھ ونان ز اظہار  
(Expression) تہ مظہر (Expressed) بجایہ چھ جذبہ اہم۔ دونو لفظ تہ معنہ یانوں ہیست  
تہ مواد چھ جذبس ماتحت تھہ قدر و قیمتہ کنز تہ پنہہ علامتیہ کنز برتری ہند درجہ حاصل چھ۔

آند وردن ہند کنز چھ دھونس تڑے تہ۔ دھونہ کس گوڈ نکس پاس چھ سہ واستودھونہ ونان۔ اتھ  
منز چھ ساروے کھوتہ ژ راہیت خیالس یا تصورس تہ دویم چیز چھ ثانوی یا ضمنی۔ دویم دھونہ چھ انکار دھونہ  
تہ یہ چھ شبہیس یا شعری انکارن ترجیح و ان تہ تڑیم تہ آخری دھونہ چھ رسہ دھونہ یوسہ جذبہ تہ تمہ کہ  
و تشاؤرچ نمایندگی کران چھ۔ آند وردن چھ تمن شعری فن پارن اتم کاویہ یا دھونہ کاویہ ونان یم تھ شاعری  
ہند کنمونہ آسان چھ۔ کنز یو دوے دھونہ تڑے سوتھری بد چھ کڈ متا تاہم چھ رسہ دھونہ کنز ہند توجہک مرکز  
رو دمت۔ اکر ہند کنز پایہ بڈر تبصرہ کار اہنو گپتن چھ دھونہ کہ حوالہ کتھ کران یہ اہم نوکتہ و وکلو و مت ز واستو  
دھونہ تہ انکار دھونہ چھ مؤلہ کنز رسہ دھونہ ہندی جز ۴۔

آند وردن ہند و بجننا ہک (Vyangana) تصور چھ ہمہ جہت یس شعر چین رنگ رنگ

خا صیون ا کس وحدت منز پیش چھ کران۔ پروفیسر غلام رسول ملک صابن چھ Oriental Literary Aesthetic: An

مضمونس منز اتھ پٹھ تفصیلہ سان بحث کو رمت تہ یہ چھن ولیم ایپسن تہ Approach Towards Definition

فلپ ویل رایٹ ہند بن ابہامس متعلق تصورن ستر رلو و مت ۵۔ بیہ ستر یہ کتھ واضح چھ ز ادب تہ

شاعری آفاقی آسنس ستر ستر چھے ادبی تہ شعری قدر تہ آفاقی۔

مے چھ ذاتی طور مغربی ماہر فن خطابت لانجائیس بیم سطر لکھان یاد پوان۔ سہ بیتہ خیال چہ بلندی تہ جزبہ چہ شدت شاعر سندر خاطر فطر تہچ یاوری مانان چھ تہ چھ سہ الزکارن، لفظ ورتاوس تہ نظمک توقیر (Dignity of Composition) ہنز مندی تہ پچھنہ ستر واٹھ دوان۔ گلکس پٹھ چھ بیم ساری چیز یکہ وپہ رتھ پرن ولس Ecstasy تہ بلندی ہندی منزل طے کران اُکس نادید جہانس منز واناوان تہ اتھ عملہ چھ سہ Transport ونان۔ آندوردن تہ چھ شعری تجربہ تہ امہ چہ باونہ ہند حوالہ اکھ خاص اصطلاح ورتاوان بیتھ سہ یاترا ونان چھ۔ باسان چھ ز مغربس کیو مشرکس (خصوصاً ہندوستانس) منز چھ شاعری تہ ادبہ کہ حوالہ بخشن منز تقریباً ہوی نکتہ بارسس آمتی بیم انسان سندر کن آسنکو ترجمانی چھ کران۔

دھونہ چھ وینگہ (Vyangya) تہ وینجہ (Vyanjak) میلہ ستر شعرس منز ووتلان تہ ووپدان۔ دھونہ چھ اکھ قوت تہ طاقت یس واپچہ (Vachaya) تہ واپکس (Vachak) ماری منظر یاد کرن والین عنصرن، ذریعن تہ ورتاون اندر اُستھ ہیکہ۔ مطلب یہ ز اُپما تہ انوپزاس وغار الزکار چھ واپچہ تہ واپکس مول ہر راوان تہ او کتر چھ تم یمن دون ہندی کنی استحکام لبان مگر دھونہ چھ نہ امہ قسمک کانہہ مد ضرورت آسان بلکہ چھے دھونہ وینگہ تہ وینجہ کہ مدتہ بارسس یوان۔ وینجنا تہ متعلق بروئہ تہ اشار کرنہ آوچھ اکھ لفظ قوت یس اکہ خاص عملہ کنز معنی آفرینی ووتلاوان چھ۔ تھ چھ وینگہ ارتھ ونان۔ شاعری ہند بہترین نمونہ چھ سہ بیتھ اندر دھونہ انگی (انگہ واپچنر) آسہ۔ یعنی باقی آسن امکو انگ (عضو)۔ انگی گو و جسم تہ انگ گے جسمکو تان۔ سرس چھ جسم نہ ز تان۔ تان چھ ثانوی اہمیت۔ جسم چھ سالم تہ تنگ منز چھ روح جاے کرتھ۔ وینگیا تھ (وینجنا ستر دزامت معنی) چھ شاعری ہند روح۔ عظیم شاعری چھ امے روح کنز وجود پزاوان۔ مطلب یہ ز دھونہ چھ شاعری منز وینجنا یہ ہنز عملہ

کئی۔ یشھے شاعری چھ دھونہ کاویہ ونان۔ اسی ہیکونہ شعر کہہ عظیم آسنگ یا بہتر آسنگ تو تام کاہمہ  
 فاصلہ کرتھ اگر نہ اسی دھونہ ارتھک یعنی دھونہ ستر نیرن والہ معنی تیج نشانہ ہی کرتھ ہیکو۔ لفظس اندر چھ  
 طاقت آسان۔ اہدھا، لکشائے ویتجنا چھ اتھ طاقتس درشاوان تہ لفظ چھ کیشہمہ ونہ بجایہ Suggest  
 کران۔

یتتھہ کروا آندوردن ہند دھونہ لوک کہ مشہور شلوکک ترجمہ پیش یتتھ منزہ شاعری اندر دھونچ  
 کار فرمائی درشاوان چھ۔

”راتھ شروع گتھ وُ نے کھڑ مشرقس منز زون۔ تمہ وز اسی تارکھ بس منز کھڑ متری تہ اسی  
 زوتان۔ انہ گتھ اندر ہیون زپڑ (زونہ گاش) پھالہ تہ مشرقس ہیون ووز جار پھالن۔ یہ تور نہ فکری ز  
 را اژ پٹھ کتھ تہ کر پیو وانہ گتھ ہند پرد۔

مطلب محبوبس سمکھنہ خاطر پیہ ہیروین (محبوب) راتھ وا تھ۔ عشقہ متری ہیرون روٹ  
 محبوبایہ (راژ ہند بٹھ اتھن دون منز تہ ہیون تس ماہ کر چھ سکھر کرنی سو) محبوبا۔۔ راتھ) آہیہ ولسنس تہ  
 تس پیو (بامبر کن) گھونگٹ (ملاے پرد) وُسی مگر عشقہ منز کنز آونہ تس سمجھ ز تس کر پیو وڈنی وُسی۔  
 شامہ رنہ چہ سورخی وُلتھ ژ ندرس آوتار کو ستر بٹھ راژ ہند موکھ یعنی (شروعاتی شامک وقت) یتتھ  
 بوزنہ ز ووز جار کنز راژ تور نہ فکری ز مشرقس منز سورخ رنگنہ آمت تسند سیاہ ڈپٹہ کر پیو وُتس کلہ پٹھ (ہیمہ  
 کنز تس شرمہ ہند وُشلن زیادے بڈیو)۔“ - ۴

آندوردنس پتہ ہیمہ وول بیاکھ اہم نقاد چھ ممٹ تیو سندن ذہنی وسعت ہیمہ کتھ ہند گواہ چھ ز  
 تمس اُس شاعری تہ ادبہ کلن تمن اُولین تہ ز اُولین نوکتن پٹھ نظریم صرف Genius وچھتھ  
 ہبکان چھ۔ تیچ کتھ چھ ز سہ چھ سبٹھاہ ز تٹھ بحث کرنہ باوجود دھونہ کہ حوالہ خاموش۔ سہ چھ شاعری  
 پٹھ بحث کران لیکھان ز شاعری چھے اُبوروس لفظ ومعنیگ میل یتتھ منز شاعرانہ فضیلت ٹا کار آسہ تہ یہ

ہیکہ الزکارن ہند ورتا وراے تہ بارس ہتھ۔ سہ چھ شاعری تڑبن باگن منز باگرتھ ہتھ پنچس پٹھ  
 واتان ز ساروے کھوتہ تھ شاعری چھے اتم کاویہ تہ اتن چھ سہ آنند وردن ستر متفق۔ دویمہ باگچہ  
 شاعری چھ سہ مدھ ییمہ کاویہ (Madhyama Kaya) ونان تہ اتھ منز چھ علامتی  
 مواد (Suggested Content) اظہار کرنے آمتر خیال کھوتہ کے پہن پڑیہ ون آسان چھ۔  
 یہ چھ سہ تصور ہتھ آنند وردن Gunibhutavyanga ونان چھ۔ تڑیمس باگس چھ سہ ادھم  
 کاویہ (Adhamakavya) ونان تہ اتھ منز چھ شاعرگون تہ الزکارن ہند مدتہ تہ گنہ خاص معنہ  
 وراپی اکھ صورت حال ووتلان ہتھ آنند وردن چتر کاویہ ونان چھ۔ کمال چھ یہ ز آنند وردن یوت  
 نزدیک آسنہ باوجود تہ چھنہ سہ دھونگ ناوہوان۔ یو دوے تہ رس تہ دھونس شاعری مولونہ وز اہمیت  
 چھ دڑہرتا ہم چھن ناوہنس منز محل کو رمت۔

## کتابیات:

1. Giri Dr. Kalpida , Concept of Poetry : An Indian Approach  
(Calcutta-1975, page 30).
2. Ibid.
3. Kumar De Sushil, History of Sanskrit Poetics, ( Calcutta- 1960,  
Volume 1st, Page-103).
4. Walimbe Y.S., Abhnava Gupta On Indian Aesthetics, (Delhi-1980,  
Page -06).
5. Jafri, N.H., 2004. Critical Theory : Perspectives from Asia, New

Delhi: Creative Books. Page . 140.)

۶۔ آندوردن پند شلوکگ کاشتر ترجمہ چھ پروفیسر رتن لال شانن سندن امہ خاطر تہ امچہ وضاحت  
خاطر تہ چھ تہند شکر یہ۔